



Backnanger Lied

Melodie: Auf em Wasa graset d' Hasa'



- 1 En de Lache patschet d' Krotta,
Mucka krabblt an der Wand,
Backena, du bist d' schönste Städtle
weit ond breit em Schwobaland!
- 2 Stuagert, Ulm ond sonst so Hefter
hent mei Herz no nia verlockt,
's ischt ond bleibt halt 's allerbeste,
wenn der Mensch en Backena hockt.
- 3 Andere mögat d' Welt bereisa,
i für mi han oft scho denkt,
mir dät's sicher nirgends gfalla
wos net recht nach Wildhäut stenk!
- 4 Ganget mer mit Asphaltplaster,
mit Zement ond Plättla weg,
nex goht über onsern schöna,
weicha, dicka Stroßadreck!
- 5 An de Gelder spannt's a bißle,
aber des ischt bloß für jetzt,
weislich hent mer scho vor Zeita
von der Kirch' da Turm versetzt!
- 6 Überhaupt hent mir für d' Schulda
stets a oifachs Mittele g'hätt,
aus de neue macht mer alte,
ond de alte zahlt mer net!
- 7 Wenn der Zink mit seine Gsella
blost vom Turm om d' Mittagsstond,
plärrt vor Freud em ganza Städtle
Gans ond Gockel, Katz ond Hond.
- 8 Ja dia bloset grad wie d' Engel,
standet no net s' bhäb drana,
d' Hosaschnalla wernt sonst roschtig
so greift dui Musik oin a!
- 9 Onser großer Dichter Schiller
wird net schlecht verwondert sei,
daß mer em hot s' Denkmal gsetzt
mitta en da Kiahdreck nei!
- 10 Mit dem Marbach, do am Neckar,
hot ers au net gschickt verwischt,
den wird's manchmal elend gheit han,
daß er net von Backana ischt!
- 11 Dehalb freut mi's donderschlechtlich,
daß i selber hiasich be,
z' Backena leb i, z' Backena sterb i,
z' Backena isch halt wonderschö!

